



BIELIS
GNOVIS

Diluvion sconzurade

Il sisteme scolmatôr di Rivis Darcjan, realizât de region cuntune spese di cincuante milions di euros e in zornade di vuê gjestit dal Consorzi Ledre-Tiliment, intant de Brentane che e à colpît il Friûl fra i 23 e i 25 di Dicembar, al à sconzurât la esondazion dal Cuar e dams par trente milions di euros tai comuns di Codroip, di Cosean, di Merêt di Tombe, di Rivis Darcjan e di Vildivar. A Sant Maur a son stâts regjistrâts trê "colmi di piena" seguitifs, cun puartadis fra i cent e i cent e dis metris cubics di aghe al secont, e se la aghe no fos stade disalveade viers il Tiliment, si varès vût un inagament compagn di chel dal 1920.

Mobilie Made in Friûl

Ae fieste pe inaugurazion dal palac plui alt dal mont, ai 5 di Zenâr a Dubai, al à cjpârt part ancje il Friûl. Une grande part de mobilie dal Burj Dubai, di fat, le à produsude la aziende Interna di Tavagnâ, che e je



specializade tal mobiliâ albierts e "boutique" di lus. A Tavagnâ a son nassudis lis cjamaris dal albiert Armani e i ufis di Samsung. In curt, la aziende furlane che e à vuadagnât dis milions di euros pal lavôr e varès di screâ une sò filiâl a Dubai.

I sparagns de bonifiche

I consorzis di bonifiche regionâi, vie pal 2010, a sparagnaràn 45mil euros in grazie de gjestion uniche dal personâl e des proceduris pe sigurece stabilide dal consei di amministrazion de lôr associazion. La decision e permetarà ancje di blocâ il cjanul dai ufents. La

UDIN

Tragedie de montagne: muarts doi alpiniscj furlans e cuatri voluntaris dal socors alpin

Scjafoiâts di une lavine in Val di Fasse

Fra i protagonistis disfortunâts de tragedie de montagne che, fin a vuê, e à scaturît e sconsortât di plui in chest stramp Invier 2009-2010, a son ancje doi zovins alpiniscj furlans.

Fabio Baron di 30 agns, comès udinês de EdilFriuli, e Diego Andreatta, 31 agns di Palme, gjestôr di une pompe di benzine, a son restâts sapulits e scjafoiâts di une lavine, ai 26 di Dicembar, intant che si svicnavin cu lis cjaspis ae pissande di

glace de Val di Lasties (par sore dal cjanâl ladin di Fasse), che a vevin stabilit di rimpinâsi sore.

Une scuadre di voluntaris dal socors alpin, partide daurman par salvâju, e je stade stravuelzude di une altre scjariade di nêf e altris cuatri personis – i esperts Diego Perathoner, Luca Prinoth, Erwin Riz e Alessandro Dantone – a son muarts. Tal mont alpinistic furlan, lis dôs vitimis di Val di Fasse a jerin cognossûts e

stimâts, cemût che e à dimostrât ancje la grande partecipazion aes esecuiis, celebradis tal domo di Udin ai 31 di Dicembar.

A jerin calcolâts rimpinadôrs esperts e cussenziôs e a vevin fat ancje esperiencis extraeuropeanis. Cualchi an indaûr, a jerin lâts in Cile par une spedizion e, vie pal

2008, a vevin condividût cun Nives

Meroi il servizi al "campo base", intant di une spedizione sul Manaslu, tal Nepal. Cualchi an indaûr, a jerin lâts in Cile par une spedizione e, vie pal 2008, a vevin condividût cun Nives Meroi il servizi al "campo base", intant di una spedizione sul Manaslu, tal Nepal.



Fabio Baron e Diego Andreatta

IL CÂS

La decision dal Judiç pes investigazions preliminârs di Udin Paolo Milocco

"Eluana Englaro copade? No stait a dî monadis"

Al è stât burît fûr martars ai 11 di Zenâr il decret che al varès di meti la peraula fin ae liende de muart di Eluana Englaro: lu à scrit il Judiç pes investigazions preliminârs di Udin, Paolo Milocco e al dis clâr e net che no à nissun mani la ipotesis di reât di omicidi volontari che e jere stade formulade daûr di une serie di denunciis de bande di varis personis in ocasion de muart de fantate li de cliniche "La Quiete" di Udin.

Il Jip al à fat buine duncje la domande di archiviazion presentade bielzà ai 26 di Novembar dal an stât de bande de Procure de Republiche di Udin daspò di investigazions ladis indenant par passe 10 mês:

Dut al è tacât daspò de muart di Eluana, vignude ai 9 di Fevrâr li de cliniche udinese dulà che e jere stade ricoverade daspò di ve vivût 17 agns intun stât vegjetatîf persistent - procurât di un incident de strade tal 1992 - propit par podè praticâi la sospension de nudrizion e de idratazion come che il pari, interpretant la volontât de frute, al voleve e daûr dal protocol stabilit su la fonde di un decret de Cort di Apel di Milan.

Inte inchieste vignude daûr ae muart, al jere stât ipotizât par Beppino Englaro il reât di omicidi volontari: par altris 13 personis, tra i prins il primari anestesist Amato De

Monte, invece, la ipotesis e jere chês di concors intal stes reât.

Ce aie puartât la Procure a domandâ e il Jip a disponi la archiviazion de indagjin?

Dal sigûr il fat che lis indagjins a àn metût in evidencie che la



Eluana Englaro e a drete il pari Beppino

scuadre mediche e veve respitât ad implen il protocol stabilit. Ma un rôl decisîf lu à vût la perizie sul curviel de fantate eseguide dai neurolics Fabrizio Tagliavini di Milan e Raffaele De Caro di Padue, la che si declare che Eluana si cjatave intun "stât vegjetatîf persistent" e che "i dams neuropatologjics che a son stâts individuâts a jerin definitifs dal pont di viste anatomic",

vadî che no jere nissune pussibilitât par Eluan di tornâ di ca.

Serene, come par solit, la declarazion a bote cjalde di Beppino Englaro: "O soi simpri stât trancauil - al à declarât - par vie che o soi simpri lât daûr de leç e de justizie. Duncje, no mi spietavi nissune altre conclusion".

A chest pont, su la liende di Eluana al varès di colâ il cidin. Ma il condizionâl al è obleatori.

Dal sigûr, no si distudarà il dibatiment politic, par vie de leç sul testament biologjic che e je in discussion tal Parlament.

Ma al somee difficil ancje che si fermi la code judiziarie. In chei dîs cjalts tra Zenâr e Fevrâr dal an stât, plui di cualchidun al à vût dit cualchi peraula di masse: acusis vituperiôs, tant che chês di sassin, no son stâts indreçadis dome al pari di Eluana, ma ancje - tra chei altris

- al dotôr De Monte che qualchidun al à vût cûr di clamâ parfin "dotôr muart".

Daspò dal decret dal Jip di Udin, difficil resisti ae tentazion di domandâ un risarciment dal dam patît. Tant plui che si fevele di cifris a sîs nulis.



BRUTIS
GNOVIS

La invasion dal teritori

Fra lis citâts furlanis, e je Gurize chês dulà che si à consumât plui teritori, tai ultins agns. In vincj agns, la superficie urbanizade e je cressude dal 12,9 al 14,3%, cuntune increscite dal 1,4%. La increscite in chês altris capitâls furlanis, impen, si è fermade al 1% a Pordenon e al 0,5% a Udin. La classifiche e mude se si calcole il numar di metris cuadrâts garantîts par ogni abitant. A Pordenon a'nd è stâts fats sù 3,8; 2,6 a Udin e 2,5 a Gurize.

La anade de finance

Vie pal 2009, la vuardie di finance e à burît fûr in provincie di Udin cent e 27 evasôrs totâi, in grazie di mil e sîs cent verificis fiscâls e 22mil controis. Lis irregolaritâts dimostrandis a son stadis nûf cent e cutuardis i milions di Iva no paiade individuâts. Imbrois a svaac, ancje tal cjamp dal zûc di azart: a son stâts secuestrâts 28 mil biliets Gratta e vinci fals.

La crisi e concje i parcs

Tal 2010, i finanziaments regionâi pe protezion dal ambient a calaran dal 80%. Spârts i finanziaments par "prati stabili" e "studi e attività tecnico-faunistiche", i parcs regionâi a varan di contentâsi el des Dolomitis di 630mil euros e chel chel des Prealps Juliis di 570mil euros. Pe riserve su la fôs dal